## 5 ta' Ottubru, 1998

## Imhallfin:-

S.T.O. Joseph Said Pullicino B.A. (Hons.), LL.D. - President Onor. Carmel A. Agius B.A., LL.D. Onor. Noel V. Arrigo LL.D.

Charles Pace et noe
versus

Tarcisio Borg noe

Mandat ta' Sekwestru Kawtelatorju - Revoka ta'
Il-Qorti kkonfermat ič-cahda ta'l-Ewwel Qorti li jigi rrevokat Mandat ta'Sekwestru kavielatorju.

11-Qorti:-
L-atturi nomine pprocedew quddiem il-Prim'Awla talQorti Civili bil-preżenti citazzjoni hawn taht ikkwotata:
"Rat ic̀-citazzjoni ppreżentata fit-28 ta' Settembru, 1992 li biha 1 -atturi nomine, wara li ppremettew illi 1-konvenut fl-14 ta' Settembru, 1992 ipprezenta Mandat ta' Sekwestru kawtelatorju
numru 1754/92 fl-ismijiet Tarcisio Borg bhala legittimu rapprezentant ta' bintu minuri Sharon vs Charles Pace u Joseph Pace bhala diretturi u ghan-nom u in rapprezentanza ta' Mosta Auto Dealers Co. Ltd., illi tali mandat ta' sekwestru huwa null u bla effett u dan stante li gie pprezentat u mahrug nonostante l-inkompetenza tal-Prim'Awla tal-Qorti Civili ratione materiae u dan stante li la darba gie pprezentat huwa ukoll null u bla effett stante li Joseph Pace, kif indikat fl-istess mandat mhuwiex direttur u rapprezentant guridiku tas-socjetà konvenuta kif facilment seta' jigi formalment ivverifikat; talbu li din il-Qorti:

Tiddikjara u tiddecidi li l-Mandat ta' Sekwestru kawtelatorju numru 1754/92 fuq imsemmi huwa null u bla effett stante l-inkompetenza tal-Prim'Awla tal-Qorti Ćivili ratione materiae kif premess, u ukoll peress li kontra dak indikat flistess sekwestru, Joseph Pace la huwa direttur u lanqas rapprezéntant guridiku tas-soçetà intimata, s-socjeta attrici odjerna;

Konsegwentement tirrevoka l-imsemmi mandat;

Bl-ispejjz u b'riserva ta' kull azzjoni ta' danni kompetenti lill-atturi kontra l-konvenut ingunt personalment ghassubizzjoni";

Din il-kawza ghandha meritu identiku bhal dak tal-kawza fl-istess ismijiet li ǵgib in-numru 1109/92 deciza minn din ilQortj llum. Waqt li frdin il-kawza l-ohra s-socjeta attrici kienet qed tittanta r-revoka ta' mandat ta' qbid degretat millPrim'Awla tal-Qorti Civili fuq talba ta' 1 -appellat kontra taghtha, fil-prezenti kawża l-istess atturi nomine appellanti qed jitolbu dikjarazzjoni tan-nullità ta' mandat ta' sekwestru kawtelatorju nru. 1754/92 mahrug mill-istess Qorti in kawtela ta' l-istess
meritu;
Japplikaw allura mutatis mutandis ghal din il-kawza listess konsiderazzjonijiet li bilfors iwasslu ghall-istess konkluzzjoni. Dan naturalment, safejn tali konsiderazzjonijiet huma applikabbli;

Il-Qorti taghmel hawn referenza shika ghal dik ilmotivazzjoni li ghandha titqies safejn applikabbli li tifforma parti ntegrali minn din is-sentenza. It-talbiet attrici, f'din ilkawza, ma jistghux, ghall-istess ragunijiet, jigu milqugha, u lappell hu anke f'din il-kawża nsostenibbli;

Ghal dawn il-motivi u ghall-motivi dedotti fis-sentenza appellata, l-appell hu michud $u$ s-sentenza appellata kkonfermata;

Bl-ispejjez taz-zewg istanzi kontra l-appellanti nomine.

